

, putant esse , vel norunt , Episcoporum catholicorum auctoritate , & maxiūne sanctitatis tuę , quam apud eum esse majoris ponderis non dubitamus , " &c. Librum Innocentius legit , & eum à quovis *damnam* atque *calcandum* Africanis Episcopis respondit apud Constantium *t. e. col. 905.* Leo I. Priscianistarum libros non modo legi vetuit, sed etiam flammis tradi voluit *ep. 15. t. 2. opp. p. 694. ed. Bollerin. Ven.* Plura quoque hæreticorum opera jussu Gelasii I. apud Anastasiūm Bibliothec. *in Gelas. t. 1. p. 167. n. 2. ed. Romae 1724. & Symmachī apud eundem in Symmach. n. 5. p. 175.* incendio conflagrarent. Similia habes apud Gregorium M. *l. 6. ep. 66. opp. t. 2. col. 842. ed. Paris. 1705.* quem in locam Monachi , è Congregatione S. Mauri rectissime adnotarunt , " agnoscendum esse scilicet in Romanis Pontificibus libri aliquos prohibendi potestatem , & consuetudinem , cui parere tenebantur etiam orientalis Ecclesie alumni Constantinopolitano Patriarchae , aut alteri alioqui subditi." Huc etiam spectat Concilium Turense *an. 567. can. 20.* apud Labbæum *t. 6. Concil. col. 541.* cujus haec verba sunt : "Et quorum auctoritatē valere possit prædicatio , nisi quos Sedes Apostolica aut semper intromisit , aut apocryfos fecit? & Patres nostri hoc semper custodierunt , quod , eorum præcepit auctoritas." Adde curam & solicitudinem , quam semper præstantissimi , sanctissimique viri habuerunt , ut eorum scripta Summi Pontificis judicio probarentur. Dionysius Alexandrinus ad Dionysium alterum Summum Pontificis libros quatuor misit , ut ipse judicaret , num ejus resta esset de Trinitate fides , de quo aliqui dubitabерant. Libros item quatuor contra duas Pelagianorum litteras ad Bonifacium P. misit Augustinus significans , sese ea scripta mittere "non tam discenda , quam examinanda , & ubi forsitan aliquid displicuerit , emendanda. Augustinus *opp. tom. 10. col. 433. ed. Venet. 1733.* De Cæsario Arelatensi scribit Gennadius de Script. eccles. c. 86. in t. 2. opp. S. Hieron. ed. Veron. col. 984 , "quod ipse de gratia quoque , & libero arbitrio edidit testimonia Divinarum , Scripturarum , & Sanctorum Patrum judiciis munita. . . . Quod opus etiam Papa Felix per suam epistolam roboravit , & in latius promulgavit." Ipse Gennadius c. 99. & 100. *ibid. col. 989. & 990.* testatur , suum se de fide librum Gelasii P. judicio subjecisse , eundemque Gelasium Honorati Massiliensis scripta approbasse. Sunt etiam Nicolai I. Pontificis celebres responsiones ad consult. Bulgarorum , atque in his *n. 103.* apud Labbæum *concil. t. 9. col. 1566.* retineri veterantur , & censari jubentur Saracenorum libri , quos Bulgari abstulerant. Quid aduersus Photii libros , quibus homo schismaticus Summum Pontificem Se demque Apostolicam audacissime insectabatur , ab Hadriano II. Pontifice actum fuerit , constat ex Concilio Romano *an. 868.* apud Labbæum *t. 10. col. 447.* , atque hoc quidem factum VIII. OEcumenico Concilio probatum est *act. 7. apud Labbæum, t. 10. col. 847.* Joannes Diaconus ad Joannem VIII. Pontificem sæculo eodem IX. scribens de S. Gregor. Magni vita *t. 4. Oper. S. Gregor. ed. Paris. col. 20.* "Romano , inquit , Pontifici , Deus omnipotens probandorum , seu expellendorum

; scriptorum omnium speciale dedit procul dubio potestatem. Quid dicam de libro Joannis Scoti à Leone IX. primum in Romana , deinceps autem in Vercellensi Synodo damnato apud Labbæum *t. 11. col. 1431. ed. Ven. cit.* , de Petri Abæardi scriptis , quæ Innocentius II. condemnavit , uti patet ex ejus *ep. ad Archiepiscopos Remens. & Senonen. & ad Bernard. Abbatem* apud Labbæum *t. 12. col. 1415. & 1420.* , quid de alio opere Joannis Scoti , quod Honorius III. , uti ostendit Mabillo nius *Præfat. ad sæc. 4. Benedictin. §. 8. n. 135. p. 66. ed. Paris. 1680.* quid de libris Talmudicis Hebræorum , quos Iunocentius IV. apud Raynaldum *ad an. 1244. n. 42. t. 21. p. 312. ed. Lucæ* ab omib[us] improbari voluit , quid de libris Aristotelis , quos Gregorius IX. , uti patet ex ejus Constitutione apud Raynaldum , *An. t. 21. ad an. 1231. n. 48. p. 50. ed. Lucæ* , in Parisiensi Universitate legi vetuit , " quousque examinati fuerint , & ab omni errorum suspicione purgati" , de Marsili Patavini , & Joannis Janduni libris , quos exterminari jussit Joannes XXII. apud Raynaldum *ad. an. 1327. n. 28. seq. t. 24. Annal. p. 347. ed. Lucæ* , de aliis hæreticorum , ac de Raymundi Lullii libris , quos Gregorius XI. apud Raynaldum *ad an. 1374. n. 12. t. 26. p. 252. & ad an. 1372. n. 35. p. 229. ib.* , atque apud Natalem Alexandrum *Histor. eccl. sæc. 13. & 14. c. 3. art. 20. t. 8. p. 90. ed. Ven. 1776.* , de scriptis Wiclefi , quæ primum ipse Gregorius XI. , deinde Alexander V. exterminari voluit apud Raynaldum *ad an. 1409. n. 89. t. 27. p. 305.* , de erroribus , atque operibus Lutheri , quæ à Leone X. damnata sunt *Constit. Exurge Domine 44. p. 487. t. 3. par. 3. Bullar. Romani?* Nimis essem , si cetera hujusmodi monumenta recensere scribendo vellem.

(2) Ecclesia , ejusque caput Romanus Pontifex proponere potest modis omnino tribus alicuius falsi dogmatis , aut doctrinæ judicium. Aut enim propositionem generatim damnat , nullo habito respectu ad illum , qui eam protulit , ex gr. Propos. Christus non habet animam , aut ut prolatam ab aliquo ex gr. Socino , aut ut aliquo libro comprehensam , ex eoque deceptam , vel simul cum eo damnatam. Primum illud Ecclesiæ judicium errori subesse non posse , inter catholicos omnes constat , quoniam hujusmodi quæstiones juris quæstiones dicuntur , in quibus definendis Ecclesia errare non potest. Cetera judicia , quæ non ipsam in se doctrinam attingunt , sed ut prolatam ab homine , vel scriptis expressam , vocantur judicia circa quæstiones facti , in quibus non eadem omnium ratio est. Nam quæri potest , num Apollinaris ex gr. , aut alter aliquis certam illam propositionem docuerit , vel certum illud damnatum scriptum exaraverit. Atque hæc quidem facti quæstio dicitur *de facto mere personali*. Quæri etiam potest , num sensus propositionis , vel libri , quam certo moraliter prolatam , aut quem scriptum ab aliquo constat , ex gr. Nestorio , Jansenio , quamque , aut quem Ecclesia tamquam hereticam , hæreticumve damnavit , hæreticus revera sit , prout ab iis Auctoribus explicatur , aut in eorum libris continetur , secundum communem intelligentiam , & verborum significationem. Atque hæc facti quæstio dicitur *de facto dogmatico*. De facto mere personali minime sollicita est

Ecclesia, quæ suum in eo negotio judicio minime interponit. Itaque si quis ex. gr. diceret auctorem libri Augustinus, qui Jansenii nomine circumfertur, non esse revera Cornelium Jansenium Irenensem Episcopum, is quidem pugnaret contra omnium fidem, ac testimonium, sed tamen Ecclesie, quæ ea de re minime laborat, decretis non adversaretur. De facto dogmatico magna ab Appellantibus, Jansenianis, Quesnelliis controversia excitatur. Nam qui Jansenii propositiones quinque traditas in libro *Augustinus* tamquam catholicas omni ope, & opera defenderant, antequam eæ damnarentur, uti ostendunt Du Mas. *Histoir. de 5. Propos. t. 2.*, & Auctor libri Romæ editi an. 1745., cui titulus *Breve Istoria delle variazioni del Jansenismo*, postquam Jansenii doctrina quinque illis propositionibus comprehensa damnata est, stilum repente verterunt, ac negare coeperunt, errores illos Jansenii libro contineri, hereticum esse sensum propositionam, uti eæ sunt in illo libro descriptæ, Romanum Pontificem, & Ecclesiam in hoc judicio librorum errare posse, eisque silentio obsequi satis esse, licere autem cuivis animo fovere sententiam, quæ magis placeat. Id præsertim Antonius Arnaldus cœpit contendere; atque hæc celebris est juris, & facti distinctio. Hæc, ut verbis utar præclarissimi Fenelonii Cameracensis Archiepiscopi *Doctr. pastor. adv. lib. cas. conscient. an. 1704. p. 7.* "scriptorum infinito prope numero defenditur, Ecclesiam, nihil obstantibus Christi promissis, posse ope divina usque eo destitui, ut & fallatur ipsa, & ipsos fallat, si quando denunciet, eo, quem legit, textu sententiam hereticam, hoc est dogmati revelato adversam proprie significari. Adeo doctrina hæc, non offendit animos, ut contra unusquisque sic statuere assuescat, eam adhibita jus inter, & factum distinctionis beneficio certam, & inexpugnabilem fieri." Defensores hujus tam falsæ, tamque inepta sententiae gravissime exagitat ipse Fenelonius pluribus documentis Pastoralibus editis an. 1704. & 1705. Videantur etiam Jacobus Benignus Bossuetius Episcopus Meldensis *Lettre à la R. M. Abesse, & religieuses de Port Royal n. 1. seq. t. 12. oper. p. 360. seq. ed. Leod. an. 1767.*, Honoratus Tournelyus in *Theolog. tract. de Eccles. par. 2. art. 3. qu. 5. p. 344. ed. Ven. 1765.*, Simonet. *Theolog. tr. 9. de Reg. fid. disp. 9. art. 11.*, Bertius *de Theolog. discipl. l. 17. c. 5. opp. t. 2. p. 100. ed. Ven. 1765.* Præ ceteris autem videndum est Cl. Bolgenius, qui egregio opere Brixiae edito an. 1788., cui titulus "Fatti dommatici ossia della infallibilità della Chiesa nel decidere sulla dottrina buona o cattiva de' libri" totum hoc argumentum copiose, accurateque explicavit. Ceterum distinctionem illam inter jus, & factum, quam in primis Arnaldum defendisse monui, non ipse primus reperit, sed ab Arianis arripuit. Nam Eusebius Nicomediensis, & Theognis Nicænus, ut testatur Socrates *Histor. l. 1. c. 14. p. 42. ed. Valerii Cantabrig. 1720.*, fidei subscripserunt, sed anathemati adversus Arium subscribere noluerunt, negantes eum hereticum habendum esse. Similiter religiosi silentii in rebus dogmaticis vestigia sunt apud Nestorianos, qui per illud Alexandrum Episcopum tueri coabantur, quod damnationi Nestorii subscribere noluerat. Sic

enim ipsum excusat Theodoretus *Ep. ad Jo. Antiochenum*, quæ est c. 172. *Synodici adv. Tragædiam Irenæi*, extatque apud Baluziani *Nov. Collect. conc. col. 871. ed. Paris. 1683.*, & apud Labbeum t. 4. conc. col. 43. ed. Ven. "Primo quia, quæ docet, sunt orthodoxa, secundum, quoniam silentium servat, Ecclesie pacem in nullo contaminans."

(3) Ecclesiam, ejusque caput Romanum Pontificem in definiendis factis dogmaticis, uti rem paulo ante explicavi, errare non posse, catholicis omnibus plane persuasum est. Nam Christus Ecclesie adest in munere docendi; atqui in facto dogmatico munus est docendi, per quod discimus "formam habere sanorum verborum, custodire depositum fidei, & simul devitare profanas vocum novitates," ut inquit Apostolus *II. ad Timot. I. 13. & 14.*, & *I. ad Timot. VI. 20.* Præterea quomodo Ecclesie pastores pacere gregem poterunt, exhortari in doctrina sanâ, & eos, qui contradicunt, arguere, nisi noxia pascua, quæ vitanda sunt, hoc est pravos libros indicent, deque iis comprehensa doctrina, bona ne, an mala sit, judicium ferant? Quomodo Ecclesia erit templum Dei vivi, columna, & firmamentum veritatis, nisi certo judicet de doctrina, quam quis aut sermone, aut scripto proponit? Sane de veritate, aut errore alicujus propositionis separatum sumptæ certum, ac falli nescium esse Ecclesie judicium, inter omnes constat. Atqui ut noscatur, vera ne, & catholica, an falsa, & heretica sit aliqua propositio, videndum est, quo sensu usurpata fuerit, & hic porro sensus non nisi ex toto sermonis, aut libri contextu educi potest. Ita ex. gr. ea propositio *filius Dei est consubstantialis Patri*, tamquam heretica damnata est adversus Patrum Samosatenum, qui is verbis utebatur, ut Patrem, ac filium unam solum personam cum Sabellio faceret; contra vero tamquam fidei degna firmata est adversus Arium, qui filium secundum Divinitatem Patri æqualem esse negabat. Itaque si totus sermonis, aut libri contextus præsertim facit, ut aliqua propositio catholica, aut heretica habeatur, consequens est, ut Ecclesia in expendenda, noscendaque doctrina, quæ aliquo libro comprehensa est, nimur in definiendo facto dogmatico, errare non possit. Similiter de vero sensu Sacrarum Scripturarum Ecclesia judicat ex toto contextu, nixa testimoniis Patrum, hoc est sententiis, quæ ex toto eorum operum contextu educuntur. Adde quod ad factum dogmaticum pertinet decretum Concilii Tridentini Sess. 4. *decr. 2.*, quo vulgata authentica declaratur; ad factum item dogmaticum traditio, quam Ecclesia ex Patrum scriptis educit. Quid dicam de Concilii œcumenicis, quæ saepe dominant hereticorum sententias ex eorum operibus eduetas, quæque num legitime congregata, & approbata fuerint, ex facto quærendum est? His accedit consensus Patrum, & constans, atque perpetua Ecclesie disciplina. S. Joannes Chrysostomus œcumenicij Concilii auctoritatem appellat, ut sibi exploratum sit, num Origenis doctrina damnari debeat, sicuti scribit Soerates *Histor. l. 6. e. 14. p. 329. ed. Cantabrig. 1720.*, S. Augustinus *de Cathechiz. rud. e. 8. opp. tom. 6. col. 270. ed. Ven. 1731.* mitit ad Ecclesie judicium cupientem scire, qui libri heretici sint, atque huic judicio obsistere quemquam posse negat de Util.

creden. cap. 17. tom. 8. col. 69., S. Hieronymus Ep. ad Pamphil. 84. opp. tom. 1. col. 522. ed. Veron. cit. aut subscribendum factio dogmatico de Origenistis, aut de Ecclesia excludendum clamat. S. Leo Ep. I. ad Aquilejen. Episc. c. 1. opp. t. 1. col. 591. ed. Ballerini. Pelagi discipulos apertis professionibus damnare jubet "superbi erroris auctores, nisi hilque sit in verbis eorum obscurum, nihil inveniatur ambiguum;" & ep. 93. ad Synod. Chalced. c. 3. col. 1073. t. 1. ed. cit., ait "pertinere ad puritatem fidei, atque doctrinæ damnare hæreses cum suis auctoribus." Confer etiam Gregorium M. ep. 25. ad Jo. Episc. Constantinopol. l. 1. opp. t. 2. col. 515. ed. Paris. 1705., librum diurnum Rom. Pontific. tit. 9. c. 2. pag. 29. ed. Garnerii Paris. 1680., Concilium Turonense II. can. 20. apud Labbeum t. 6. Conc. col. 541. ed. Ven., Lateranense an. 649. sub Martino I. can. 18. sedt. 5. t. 7. col. 363., Constantiense sess. ult. t. 16. col. 760. ejusd. collect. Eadem Ecclesiæ disciplinæ ratio est. Porro Concilium Nicænum non tantum errorem Arii condemnavit, sed ejus quoque personam, & librum, quem Thaliam inscriperat, ut patet ex ep. synod. PP. Concilii ad Eccles. Alexand. apud Labbeum Conc. t. 2. col. 259., omnesque compulit ad subscribendum damnationi Theodoretus Hist. l. 1. c. 8. p. 31. ed. Cantabrig. 1720., & Eusebius Nicomedensis, ac Theognis Nicænus subscribere nolentes à Concilio sunt depositi, neque restituti, nisi ante probassent omnia, quæ à Patribus decreta fuerant Socrates Hist. l. 1. c. 8. & 14. p. 22. & 42. ed. Cantabrig., quem in locum videndus est Valesius in Notis. In Concilio Ephesino tamquam Catholica probata est S. Cyrilli epistola ad Nestorium, ipsius autem Nestorii epistola ad Cyrillum tamquam hæretica ab omnibus damnata est, proscriptaque sunt Nestorii errores desumpti ex libris, commentariisque ipsius t. 3. Concil. Act. 1. col. 1007. & 1078. In Concilio Chalcedonensi probata est epistola S. Leonis M. Act. 4. t. 4. col. 1382. seq., " & qui , non subscribit epistolæ, cui omnis sancta synodus consentit, hæreticus , est," inquit Concilii Patres Act. 4. col. 1403. In Concilio oecumenico V. damnatus est Origenes, ejusque doctrina, & scripta, uti constat ex can. 11. ejusd. Conc. apud Labbeum t. 6. col. 211., & ejus discipuli aut damnationi subscribere, aut de Ecclesia exire coacti sunt, teste Hieronymo ep. 84. ad Pamphil. et Ocean. opp. t. 1. col. 522. cit. ed. Quia eadem synodo damnata quoque sunt tria capitula, hoc est scripta Theodori Mopsuesteni, ac Theodoreti adversus S. Cyrillum, & epistola Ibæ Edesseni ad Marim Persam, de quibus magna animorum contentione quærebatur, num in iis Nestorii errores continerentur. Synodus hæc tria capitula damnavit, atque omnes, qui catholici haberi vellent, damnationi subscribere coegit, uti constat ex Facundo Hermianensi l. 3. c. 1. p. 35. ed. Paris. 1686., & S. Gregorio M. Ep. 2. & 39. l. 4. opp. t. 2. col. 682., & 719. cit. ed. Paris. Idem adversus Pelagium factum est, uti ostendunt Augustinus de Peccat. origin. c. 9. opp. t. 10. col. 256., & de Gest. Pelag. c. 6. t. 10. col. 200. ed. cit., Innocentius I. ep. 31. ad 5. Episc. apud Coustantium ep. Ponif. Roman. 5. col. 903., Leo M. ep. 1. ad Episc. Aquil., & ep. 2. ad Septim. opp. t. 1. col. 591.

594. Jure igitur, ac merito catholicis omnibus certum debet esse judicium, quod de Jansenii libro *Augustinus*, deque ejus propositionibus, ac de Moralibus observationibus Quesnelli latum est ab Innocentio X. Const. Cum occasione 167. Bullar. Roman. t. 6. part. 3. p. 248., Alexandro VII. Const. Ad sanctam 136. t. 6. part. 4. p. 150., Clemente XI. Const. Vineani Domini 16. et Const. Unigenitus t. 10. p. 145. et 340. De qua quidem Constitutione Unigenitus perlegendæ sunt egregiae litteræ, quas Summus Pontifex PIUS VI. die 13. Septembri an. 1781. dedit ad Episcopum Brixinensem, quibus sane litteris Pontifex Sapientissimus pro ea, qua præstat, singulari, exquisitaque doctrina, flagrantique studio, quo ardet, custodiendæ, propugnandæ, propagandæ catholicæ religionis invitate, ac perspicue demonstravit, Constitutionem Unigenitus irreformabile Sedis Apostolicæ judicium continere. Idque etiam autea definiverant Patres omnino centum in Concilio Romano Benedicto XIII. Pontifice congregati, qui in authentico decreto tit. 1. c. 2. Constitutionem ipsam fideli regulam agnoscunt, atque ab omnibus cuiuscumque conditionis, & gradus, omnimoda, ac debita obedientia, & executione observari volunt. Judicium idem plus semel dedit Sac. Facultas Parisiensis, præsertim die 15. Decembris an. 1729., cum declaravit, eam se Constitutionem amplecti tamquam dogmaticum Ecclesiæ universalis judicium, & idem etiam à Parisiensibus Episcoporum comitiis an. 1755. latum est. Cum enim inter Episcopos orta esset controversia de Eucharistia illis deneganda, qui Bullæ Unigenitus adversarentur, factum est inter eos divortium sententiæ; neque tamen ex Episcopis ullus fuit, qui Bullam Unigenitus tamquam dogmaticum universalis Ecclesiæ decretum non prædicaret. Nam qui sotentiam unam sequebantur ita inquit in 1. et 2. artic. "Cum igitur accesserit Ecclesiæ consensus, decretum illud merito vocatur tum judicium dogmaticum, & irreformabile Ecclesiæ universalis, tum judicium ejusdem ad doctrinam pertinens. Huic judicio debetur sincerum, mentis & cordis obsequium. Qui contra illud obsequium peccant, peccant in materia gravi." Qui vero in alteram sententiam descenderunt in 1. artic. dicunt hæc: "Constitutio Clementis XI., quæ incipit Unigenitus, Dei filius dogmaticum est, & irreformabile Ecclesiæ judicium, cui sincerum, mentis & cordis obsequium sine peccato mortali denegari non potest. Vide Lettre circulaire de l' Assemblée générale du Clergé aux Archevêques, & évêques de France an. 1755. p. 2. & 4." Neque omittenda est recentior, eaque luculentissima Cleri Gallicani declaratio edita in Communiis an. 1765. quæ extat in Act. ejusd. an. p. 46., atque his est conœpta verbis: "Eas ob causas agnoscunt, ut nos semper agnovimus, Constitutionem Unigenitus tamquam judicium dogmaticum Universalis Ecclesiæ, aut (quod eodem recidit) tamquam judicium irreformabile hujus, ipsius Ecclesiæ in materia doctrinæ, cui judicio debemus, quam illa existimat, sinceram cordis, & spiritus submissionem." Confer VV. CCI. Zaccariam Anti-Febron. vind. par. 2. Dissert. 5. cap. 6., & Laurentium Veith de Gemin. delect. sect. 2. art. 2. §. 20. n. 69. seq., à quibus & alia plura ejusdem rei monumenta describuntur.

(4) Cum Ecclesia propositiones aliquas, uti hæreticas, aut etiam erroneas, vel temerarias, scandalosas &c., sive speciatim, sive generaliter, & in globo damnat, judicia hæc vere dogmatica sunt, atque omnibus certum esse debet, nullam esse ex iis notam, quæ non merito in illas propositiones cadat; præterea si agatur de censura generali, & in globo, nullam esse ex damnatis propositionibus, quæ non aliqua ex enumeratis notis digna sit. Secus neque dogmaticum esset decretum Concilii Constantiensis Sess. 45. contra articulos Wicleffii, & Hussi, neque dogmatica Bulla Leonis X. contra articulos Lutheri, nec Constitutio S. Pii contra Bajum, neque item dogmaticarum rerum loco habenda essent, quæ ab Innocentio XI. contra Michaelem Molinos, ab Innocentio XII. in propositiones 23. excerptas ex libro, cui titulus *Les maximes des Saintes &c. sancita sunt.* Cuncta hæc decreta, & constitutiones propositiones in globo damnant; & tamen cuncta catholicis omnibus dogmatica sunt. Ac Martinus V. in Bulla, qua Constantiense Concilium approbat, expresse decrevit, ut *specialiter litteratus* (si de hæresi sit suspectus) inter cetera “interrogetur, utrum credit, sententiam sacri Constantiensis Concilii supra quadraginta, quinque Joannis Wiclef, & Joannis Hus tringinta articulis superius descriptis latam fore veram, & catholicam, scilicet quod quadraginta quinque articuli Joannis Wiclef, & Joannis Hus tringinta non sunt catholici, sed quidam ex eis sunt notorie hæretici; quidam erroneous, alii temerarii, & perniciosi, alii piarum aurum offensivi.” Atque hæc quidem plurimum propositionum condemnatio in globo recte, & sapienter emititur, ne qua illarum defendatur, aut animo retineatur, licet non singulæ eamdem censuram mereantur, eo fere modo, quo prudens medicus ægrotῳ sapienter vetat, ne ulla utatur ex dapibus, quæ in opiparo convivio parata sunt, quoniam omnes ægrotō sunt noxiæ, licet medicus non definiat, quomodo singulæ, aut quæ plus minusve noceant. Confer Pallavicinium *Histor. Conc. Trident. l. i. c. 21.*, Tournelyum *Praelect. theolog. de censur. art. 1. t. 3.*, ubi multa habes ea de re testimonia. Sunt qui has condemnationes generales, & in globo recentioris disciplinae esse putant; at id ipsum satis esse deberet homini Catholico, ut hanc Ecclesiæ disciplinam eo, quo decet, obsequio veneretur. Verum falsum est, quod illi ajunt. Sane cum in Concilio Nicæno damnata sunt Arii scripta, ac nominatim ejus Thalia, non eodem propter loco habita sunt omnia, quæ iisdem scriptis continebantur. Cum Origenis opera Alexandriæ à Theophilo damnata fuerunt, ac vetita eorum lectio à S. Epiphanio Cypri, à S. Anastasio P. Romæ, an quidquid Origenes scripsisset pari modo improbatum est? Cum in Concilio V. ecclæsum tria capitula damnata fuerunt, an omnia, quæ epistola Iba Edesseni ad Marim Persam, atque scripta Theodori Mopsuesteni, ac Theodoreti adversus S. Cyrillum comprehendebant, similibus infecta erroribus, & pari digna nota judicata sunt? In eodem Concilio damnatae fuerunt litteræ Honorii ad Sergium, & Pirri Constantinopolitanus ad Joannem IV. P., quis credit, damnatum, proscriptumque similiter fuisse quidquid duabus illis litteris scriptum fuerat?

S. VII. Summus Pontifex libros damnat, quos noxios

esse deprehendit, aut per Breve, Bullamve suam, aut per Congregationes Indicis (1), Sacræve Inquisitionis; olim etiam per S. P. Apostolici Magistrum interdum pravi libri damnabantur. Ab his quoque Congregationibus vetitorum lectio librorum iis permittitur (2), qui nihil ex ea detrimenti capere possunt. Improbantur autem libri, postquam à doctis viris cogniti, expensique diligentissime sunt, neque eadem est omnium improbandorum ratio. Sunt enim qui plus religioni, bonisve moribus adversantur, atque horum magis fugienda lectio est; alii sunt, qui ita scatent erroribus, ut non modo legi, sed ne castigari quidem possint, & alii, quorum est improbata lectio, donec corrigantrur (3).

(1) Primus Paulus IV. Sac. Inquisitionis Congregationi negotium comisit, ut vetitorum librorum indicem conficiendum curaret. Re perfecta adhuc Tridentini Patres ea de re in Concilio agendum putarunt, cum inventa arte typographica facile ubique divulgarentur hæreticorum libri, qui ne ad fidelium manus pervenirent, diligentissime cavendum erat. Sed ne Concilii Patres sua auctoritate opus susciperent, quod jam Sedes Apostolica absolvendum curaverat, impetrata sunt litteræ à Summo Pontifice, qui eos ad hoc opushortaretur. Re quæsita, & expensa diligenter, uti narrat Cardinalis Pallavicinus *Histor. Conc. Trident. l. 15. c. 19.* denique à doctis viris quos Tridentina Synodus elegerat absolutus est index, missusque ad Pium IV. Pontificem, qui eum ipse expendit; atque aperiatis viris expendi jussit, ac denique indicem ipsum edidit, cumque speciali Bulla die 34. Martii anni 1564. confirmavit. Merito Pio IV. Summus Pontifex renuntiatus est S. Pius V., qui Sac. Indicis Congregationem instituit, cuius esse voluit vetitorum librorum indicem conficeret, & curare, atque ita fungi munere, quod pridem Tridentini Concilii Patribus commissum fuerat. Errant enim, qui Indicis Congregationem primum à Sixto V. institutam putant, uti ostendit Roellius *Saggio dell' istoria dell' Indice Romano de' Libri proibiti.* Atque hujus quidem Congregationis, quæ constat ex Cardinalibus, pluribusve viris doctis, est curare indicem librorum vetitorum, qui ejus jussu in lucem emititur, quique post annos, cum ei novis interdictis plures factæ sunt accessiones, renovari solet. Anno superiori nova Indicis librorum prohibitorum editio perfecta est jussu optimi sapientissimique Pontificis Pii VI., cuius in Religionis, morumque integritatem singulare studium, ac magnæ, præclaræque in omni genere virtutes sunt, quas nulla unquam obscuravit oblivio.

(2) Hodie Sac. Inquisitionis Congregatio libros permittit, quorum lectio difficilius conceditur, quales sunt hæreticorum de religione agentium libri, Sac. Indicis Congregatio veniam tribuit legendi libros, in quibus levius inest periculum. Certi quidam libri pro Uibe Roma etiam

P. Magistro S. P. Apostolici permittuntur.

(3) S. Eusebius Vercellensis , uti testatur S. Hieronymus Ep. 61. opp. t. 1. col. 346. ed. cit., "omnium psalmorum commentarios hæretici , hominis veritatem in nostrum eloquium licet hæretica prætermittens , optima , quæque transtulerit." Ipse Hieronymus eamdem hanc methodum in quibusdam Origenis libris adhibuit , uti ipse testatur Contr. Ruffinum l. 2. n. 12. col. 542. opp. t. 2. Quantos in hoc eodem opere labores exantlarit Cassiodorus , ignorat nemo , idque Cassiodorus ipse confirmat de Institut. divin. Litter. l. unic. c. 1. p. 540 ed. Rotomag. 1679. Præclara hæc exempla sunt , quæ os obstruare deberent maledicis vituperatoribus Sedis Apostolicæ , quæ similiter emendari jubet libros , in quibus , mali aliquid inesse deprehendit ; & qui hos libros ita emendatos legent merito in Romanos Correctores usurpare poterunt ea Hieronymi verba ep. 84. t. 1. col. 525. ed. cit. "cum hæc rejeceritis , & quasi censoria virgula separaveritis à fide Ecclesiæ , tuto legam cetera , nec venena jam timebo , cum antidotum præbibero." Late in hoc toto argumento versatur Zaccaria cit. libro *Storia polemica delle proibizioni de' libri* , ubi etiam *Dissert. 3.* ab hæreticorum calumniis solide vindicat Sedem Apostolicam , cuius in vetandis libris plena sapientia , prudentia , æquitatis ratio est.

TITULUS VIII.

De Hæreticæ pravitatis inquisitoribus.

I. Fidei , morumque integritas custodienda diligenter est.

II. Ejus rei curandæ causa Tribunal Inquisitionis institutum est.

III. Hujus origo.

IV. Congregatio Inquisitionis Romæ , cui præstet Summus Pontifex.

V. Ad eam graviora ex toto christiano orbe negotia referenda.

VI. Inquisitoris munus nihil detrahit Episcopi officio , & potestati.

VII. X. Vindicatur Tribunal Inquisitionis.

XI. Omnes hæreses deferre , & hæreticos accusare debent.

XII. Etiam infames testimonium dicere , atque accusare possunt.

XIII. Juramentum de observando secreto.

XIV. Summa æquitas , ac diligenzia judicij.

XV. & XVI. Contra quos iudicet Tribunal Inquisitionis.

§. I.

Non satis fideli , morumque integritati consultum videatur , si tantum esset exclusa societas illorum , qui à catholicâ veritate discrepant , amotique illorum libri à ma-

nibus catholicorum ; nisi etiam essent magistratus , qui in fidei corruptores inquirerent , pœnisque coercerent , & ea statim removerent mala , quæ universæ societati detrimentum inferre possunt. In omni bene constituta republika suprema lex est ejus salus , & incolumenta , eamque curare maximum est officium ejus , qui reipublicæ præest. An non etiam incolumenta , salusque ecclesiastice reipublicæ , quæ præsertim in fidei , morumque integritate posita est , custodienda erit diligenter , eaque cura , & solicitude ad eum pertinebit , qui huic reipublicæ præpositus est ?

§. II. Ergo Summus Pontifex , cui tota commissa est Catholica Ecclesia , curare in primis debet , ut integras fides , ut errores removeantur , ut inquiratur in eos , qui fidem corrumpunt , statumque ecclesiastice reipublicæ pervertunt. Hæc causa fuit instituendi tribunal , quod Inquisitionis vocatur , quoniam ejus est inquirere in errores , qui contaminare animos catholicorum possunt , eosque à salutaribus doctrinæ pascuis abducere. Initio unusquisque Episcopus in diœcesi sua , vel plures Episcopi in provinciali Concilio congregati in eos , qui in diœcesi , aut provincia orirentur , errores inquirebant (1) ; semper tamen graviora negotia ad Sedem Apostolicam referebantur , atque ita Episcopus , vel Concilium provinciale ad exitum perducendum curabat , quod à Sede Apostolica decretum fuerat (2).

(1) Vide Datinum Altaserra de Jurisd. Eccl. l. 4. c. 3. , & Bianchium Dell' esterior polizia della Chiesa t. 3. c. 3. §. 10. n. 2. & 3.

(2) Confer quæ dixi in Prolegomenis §. 35. , & in not. t. 1. p. 30. & seq. , & l. 3. tit. 4. §. 8. & in not. 1. p. 55. seq.

§. III. Lapsu temporum , cum gravius malum urgere videretur , oportuit Summos Pontifices in eas regiones , in quibus hæresis longe , lateque serpebat , Legatos mittere , qui suam Episcopis opem adjungerent , ut ita facilius perditionum hominum audacia coerceri , & Christiani deterri à peregrinis , pravisque doctrinis possent (1). Sed cum novi quotidie errores erumperent , & numerus augeretur hæreticorum , Legati autem neque semper praesentes es-